



Universitätsbibliothek Paderborn

Dei Immortalis In Corpore Mortali Patientis Historia

Stanyhurst, Guillaume

Coloniæ Agrippinæ, 1694

§. IX. Exclamat Christus circa horam nonam.

[urn:nbn:de:hbz:466:1-49178](#)

bræ super intellectum, non circumspicimus prætentia pericula, ideo contemnimus: Tenebrae super voluntatem, non prospicimus futura supplicia, ideo non timemus: Tenebrae super oculos, linguam, aures, manus, pedes, hinc & prosequimur fugienda, & prensamus abjicienda, & lo-

Ps. 135. 8. quimur tacenda. Tu, qui fecisti solem in potestatem diei, dum occidis in cruce, orete in nostra mente,

Is. 60. 19. donec gloria tua super nos oriatur: tunc dicetur nobis, quod electis: Non erit tibi amplius Sol ad lucendum per diem, nec splendor Luna illuminabit te; sed erit tibi Dominus in lucem sempiternam. Non occidet ultra Sol tuus.

§. IX.

Exclamat Christus circa horam nonam.

*S*ole cœli metator, & temporum omnium dispensator, jam plus quam quater millies irquieto motu annuam cœli orbitam emensus, tandem multorum temporum vertigine, & complurium sæculorum pondere devolutus est ad diem salutis, ad diem boni nuntii, ad diem quam fecit Dominus, ad illius diei horam nonam, hoc est postremam, quâ desiit vivere Christus, & primam, quâ cœpit vivere mundus. *Circa horam nonam clamavit Iesus voce magna.*

Matt. 27.
45. Clamabat voce magnâ: id est, voce instar tubæ sonora, instar rugitus horrendâ, instar tonitru validâ: totâ ergo vocis, & laterum contentione exclamavit. non leviter dixit, non modestè locutus est, sed clamavit; ut surdi audirent, tremerent impii, horre-

horriterent dæmones, attenderent Angeli, confide-
tent captivi, percellerentur Judæi. Clamavit voce
magnâ. Hæc erat verè vox Domini in virtute, vox Do-
mini in magnificentia. Vox hæc erat non clamantis
in deserto, sed exspirantis in patibulo. Clamavit
autem voce magnâ circa horam nonam. O hora
omni ex parte immensum admiranda! Circa hanc
horam, veluti cædinem, versabantur omnes dies
omnium annorum, lustrorum, ætatum & qui eam
præcesserant, & qui deinceps secuti sunt, & qui
porrò orientur, & occident in omnes annos conse-
quentes. Vix creaverat Deus cælum & terram, &
tota terra repleta spinis & tribulis clamabat ad
suum, quem expectabat, venturum Messiam: *Vti- Isa.64.1.*
nam disrumpere cœlos, & descenderes! Sed audiebat
respondentem: *Nondum venit hora mea.* Reputat jam *Ioan.2.4.*
Divina Justitia omnes fontes abyssi magnæ, &
cataractas cœli aperuerat, & pluerat super ter-
ram 40. diebus, & 40. noctibus. Clamabant tunc
omnes voce magnâ: *Domine salva nos, perimus, Ite-* *Matth.8.*
tum audiebant: Nondum venit hora mea. Jam trigin-
ta effluxerant ab orbe condito sacula, & clama-
bant omnes Prophetæ, & captivi in carcere limbis:
Domine inclina cœlos tuos, & descende. Iterum audie-
bant: *Nondum venit hora mea.* Tandem cum jam es-
set salutata à cœlesti Paranympho, novi sponsi
nova sponsa, imò & Mater gratiæ plena, venerat
jam plenitudo temporis, & cum plenitudine tem-
poris venerat tempus misericordi: sed nondum ve-
nerat hora. Tandem, tandem circa horam nonam,
quâ omnes novem Angelorum Chori advolave-
rant ad montem Calvariæ, spectatores futuri mi-
tabilium, quæ Filius Dei esset illâ horâ operatu-
rus in medio tetræ, circa horam nonam clamavit IE-
SUS voce magna ad Patriarchas, qui illum suis figu-

ris expreſſerant; ad Prophetas, qui ſuis vaticinijs venturum prædixerant; ad Reges, qui eum tot annis expectaverant: ad captivos omnes, qui eum tot votis expetierant; ad mundum universum, qui eum tanto ambitu quæſiverat: *Venit hora, & nunc est post 40. ſæculorum curricula, post tot annorum chiliades, post tot dierum, & horarum myriades, venit hora, & nunc est. Levate capita vestra, quoniam appropinquat redemptio vestra. Venit hora, & nunc est.*

Ioan. 4. *Surge propera amia mea, columba mea, formosa mea, Ecclesia; osculare me osculo oris tui: venit hora; est enim hora nona, quâ ſponsabo te mihi in ſempiternum: & ſponsabo te mihi in Iuſtitia, & judicio in misericordia, & miserationibus. Venite ad me omnes, qui laboratis, & onerati eſtis. Venit hora, quâ reficiam vos.*

Matth. 11. *Surge Adam qui dormis, & exurge, & illuminabit te Christus: est enim circa horam nonam. O quâm diuturna mora expectata eſt hæc hora! Ite Angeli Pacis, & per quatuor terrarum regiones inflate tubas, & resonantium litorum clangore, exclamate circa horam nonam: *Hora eſt jam nos de ſomno ſurgere. Fuit aliquando triste illud tempus, quo mundus nonniſi obscuris umbris, & figuris venturi Meſſiæ ſe ſolabatur: ſed nunc umbram fugat veritas, quia nox preeceſſit, dies autem appropinquavit, imò & hora ſalutis; eſt enim hora nona, hoc eſt ultima Salvatoris, prima ſalutis. O quâm multos reperire eſt, qui clamore magno, monente ē cœlis DEO, minante ē nubibus divina Iuſtitia, invitan- te ē Cruce misericordia, pulsante ad cor cœleſti ſponſo;**

**Conver-
ſio non
diſfe-
renda.** *Surge qui dormis, hora eſt jam nos de ſomno ſurgere; respondent; Nendum venit hora mea. Cadit repente qui adſtat lateti tuo ſocius, & ſubitextinguitur, Mors illius quid aliud eſt, quâm vox clamantis, *Surge qui dormis? Tu Juvenis cujuſ ho-**

rologium fors devolutum est ad horam nonam, hoc est vitæ postremam, cogitas; Nondum venit hora mea. Sto tantum in limine orientis vitæ, floret ætas, vigent sensus, salit per venas juvenilis sanguis, rubent genæ, fluctuat per niveam cervicem aurea cæsaries; Nondum venit hora mea. Interim dum coronas te rosis, dum tenes tympanum, & citharam, & ducis in bonis dies tuos, idem tibi contingit, quod in grandi illo convivio Balthasari Regi : in *Dan. 5.6.*
 èdem horâ apparet digitus, horologij index, qui designat horam nonam, tibi summam ; & audis: *Novissima hora est.* Tunc ut Balthasari, facies tua *I. Ioan. 21.* commutatur, & cogitationes tuæ conturbant te, *18.*
 & compages renum tuorum solvuntur, & genua tua ad se invicem colliduntur. Tunc circa horam nonam clamas voce magnâ : Indicias usque manè, citò, citò, sacerdos, confessio. Frustrà, *Novissima hora est.* Necdum disposui domui meæ, non condidi testamentum, non expiavi conscientiam: perinde *Novissima hora est.* Saltem, *Dimitte me ut plangam paululum dolorem meum, antequam vadam,* *Iob. 10.* & non revertar, ad terram tenebrosam, & opertam mortis caligine. Seriùs: *Novissima hora est.* Da saltem spatiū, ut percutiā pectus meum, & dicā contrito corde: *Deus propitius esto mihi peccatori.* Nec tantum licet: *Novissima hora est.* Itaque adolescens tibi dico, *surge: hora est jam te de somno surgere;* quia *13.* fors post horam, erit tibi novissima hora.